

壽

世

秘

典

七



壽世秘典卷八

華陀論癰疽瘡腫

夫癰疽瘡腫之作皆五臟六腑蓄毒不流非獨因榮
衛壅塞而發也其行也有處其主也有歸假令發
於喉舌者心之毒發於毛皮者肺之毒發於肌肉
者脾之毒發於骨髓者腎之毒發於下者陰中之
毒發於上者陽中之毒發於外者六腑之毒發於
內者五臟之毒故內曰壞外曰潰上曰從下曰逆
發於上者得之速發於下者得之緩感於六腑則

易治因病原稟於陽分中其發暴而所患浮淺故
易腫易膿易腐易斂不傷筋骨易治感於五臟則
難瘳因病原稟於陰分中所發緩而所患深沉故
爲傷筋蝕骨難治之症凡年壯氣血勝毒則順年
老毒勝氣血則險

癰疽之症若七情虧損氣血經絡壅結而成者屬內
因若六淫外侵氣血受傷寒化爲熱熱成則肉腐
爲膿者屬外因若服丹石補藥膏粱炙博溫床厚
被所致者屬內外因又盡力房室精虛氣竭所致

者屬不內外所傷而成也又曰陰滯於陽則發癰
陽滯於陰則發疽脉浮洪滑數爲陽沉緩遲澀爲
陰陰則熱治陽則冷治初覺宜清熱拔毒已潰宜
排膿止痛治當寒者溫之熱者清之虛者補之實
者瀉之導之以針石灼之以艾炷破毒潰堅各遵
成法以年爲期

薛立齋云按前症脉沉實大便秘結者屬內因也宜
疎利之脉浮大便調和者屬外因也恐邪氣入內
宜先托裏脉不浮不沉者屬不內外因也宜調和

榮衛此治瘡之大要。明托裏疎通臟腑調和榮衛之三法。若焮腫大痛煩熱飲冷大便秘結脉洪數實者爲純陽宜苦寒之劑清熱拔毒若不腫不痛瀉利不食嘔吐足冷是爲純陰宜辛熱之劑大補陽氣不拘嚴寒盛暑當捨時從症。

陳實功云凡瘡七日以前形勢未成元氣未弱不論陰陽表裏寒熱虛實俱先當灸輕者使毒氣隨火而散重者拔引鬱毒透通瘡竅所得火引毒氣使內毒有路而外發誠瘡科第一法也貴早灸爲佳。



又有禁灸數症亦宜叅詳頭乃諸陽之首純陽無陰之處凡生瘡腫俱是元陽熱極所致如再加艾火使毒氣熾甚隨後反加大腫最能引動內痰發之必死面生疔毒亦然又有腎俞一穴在於兩腰脊旁係內腎命根所系之處此穴發瘡多因房勞素虧腎水枯竭而成若再加艾灸火爍其源必致內外乾涸多成黑陷昏悶而死又有患者元氣素虛發瘡多不高腫其人體必倦怠精神必短而昏脉必浮散空虛數而不鼓此因無真氣抵當火氣

如灸之其人必多昏憤而死常謂艾火不虧人此
言悞人多矣宜詳察之

李絳兵部手集方云癰疽發背初起未成以溼紙
攤上先乾處是頭取獨頭蒜橫截如錢厚用熟艾
灸之不論壯數痛者必灸使不痛不痛者必灸使
痛若初灸卽痛者由毒氣輕淺灸而不痛者乃毒
氣深重宜內服追毒排膿外敷消毒之藥大抵癰
疽不可不痛又不可大痛悶亂不知痛者難治若
有十數頭作一處生者卽用大蒜研成膏作薄餅
鋪頭上聚艾于蒜餅上燒之亦可活也○李時珍
曰凡用艾葉須用陳久者治令細軟謂之熟艾若
生艾灸火則傷人肌脈揀取淨葉揚去塵屑入石
臼內木杵搗熟羅去渣取白者再搗至
柔爛如綿爲度用時焙燥則灸火得力

瘡瘍用藥當審其經絡受症標本虛實以治之不可

泥於熱毒內攻專用寒涼尅伐之劑虧損脾胃氣血多致有誤若腫高焮痛者邪氣實也先用仙方活命飲後用托裏消毒散漫腫微痛者真氣虛也用托裡散如不應加薑桂若不作膿不腐潰陽氣虛也用四君子加黃芪肉桂若膿既出而反痛氣血虛也用八珍散補之不生肌不收斂脾氣虛也四君子加芍藥木香又當捨時從症如腫痛煩躁發熱飲冷便秘脉洪數實是爲五實雖在嚴寒必用大苦寒之劑瀉其陽以救其陰若脉細皮寒瀉

利腸鳴不食嘔吐手足逆冷是爲五虛雖在盛暑
必用大辛熱之劑散其陰以回其陽若執其常法
則誤矣

內經云形傷痛氣傷腫先腫而後痛者形傷氣也先
痛而後腫者氣傷形也東垣先生謂胃爲五臟之
本源人身之根蒂丹溪先生云癰疽因積毒在臟
腑宜先助胃壯氣以固其本夫然則氣血凝結者
自散膿瘀已成者自潰肌肉欲死者自生肌肉已
死者自腐死肉已潰者自斂若獨攻其瘡脾胃一

虛惡症蜂起其不死者幸矣故凡前症須用托裡
消毒散爲主若高腫焮痛熱毒也加黃連漫腫微
痛氣虛也去金銀花連翹二味加參朮頭痛發熱
邪在表也本方加川芎羌活漫腫不痛或肉死不
潰脾氣虛也去金銀花連翹白芷加人參白朮大
抵用藥之法當分元氣虛實標本緩急若病急而
元氣實者先治其標病緩而元氣虛者先治其本
若病急而元氣又虛者當治其本爲主而兼以治
標東垣云形氣有餘病氣有餘當瀉不當補形氣

不足病氣不足當補不當瀉丹溪云但見腫痛叅之脉症虛弱便與滋補氣血無虧可保終吉治者審焉

凡瘡初起頂高根活色赤發熱焮腫疼痛日漸高腫者順若初起頂平根散色暗後腫不熱不疼者逆肉腫瘡不腫必定生疑恐瘡色猪肝紫無膿必定死

凡瘡輕按熱甚便痛者有膿且淺且稠重按微熱方痛者有膿且深且稀按之陷而不起者膿未成按



之軟而復起者膿已成按之都硬不痛者無膿非是膿卽瘀血也按之都軟不痛者有膿非是膿卽溼水也若膿生而用針真氣旣泄膿反難成若膿熟而不針腐潰益深瘡口難斂如氣癰腫而綿軟不痛者血癰腫而內壘成塊者并結核之症漸大漸痛漸腐者俱不可輕用針刀掘破出血不止多致立危

李氏云病疽之人當戒酒麪炙燂醃臘法酒生冷油膩及雞鵝魚腥之類起居七情尤當深戒臥室潔

言七秘典 卷八
淨馨香使氣血流暢仍忌僧道孝子產婦經婦雞
犬猫畜若背疽難於隱几宜用菉豆十斗作一袋
隱伏其上解毒涼心也

薛立齋云按前論慎起居薄滋味恐病者好動四體
甘嗜性熱性寒之物使火益熾而胃氣益衰則所
患淹滯不愈又誰咎哉不若預爲之防當以古人
之言爲戒如菉豆性寒主月毒煩熱風癰或金石
所發實熱煩渴飲食如常症屬純陽者宜用否則
不可用也

仙方活命飲

治一切瘡瘍未成膿者即消已成膿者即潰止痛消毒之聖藥也

金銀花

陳皮

各三錢

穿山甲

蛤粉炒黃

防風

乳香

沒藥

赤芍

白芷

當歸尾

皂角刺

天花粉

貝母

甘草節

各一錢

頭上用川芎胸背倍白芷四肢倍金銀花下部加

木瓜檳榔用頭酒二碗去渣饑時服服後再飲酒

三五盃

托裡消毒散

治瘡瘍元氣虛弱或因剋伐不能潰散服之未成即消已成即潰腐肉自



去新肉
自生

人參

白朮炒

茯苓

黃芪

川芎

赤芍

炒各一錢

金銀花

白芷

各七分

當歸

甘草

炙

連翹

各五分

右各等分水煎熟服脾弱者去白芷倍人參

內消散

金銀花

知母

貝母

天花粉

白芨

半夏

穿山甲

皂角針

乳香

各一錢

右水酒各一碗煎八分隨病上下食前後服之能

令一切腫毒惡瘡內消畱渣搗爛加秋芙蓉葉細末一兩白蜜五匙同渣調敷瘡上一宿自消

又方

治腫毒漫腫作痛

生黃芪

五錢

當歸稍

八錢

金銀花

五錢

皂角刺

黃栢

各三錢

水酒各一鍾煎服連進三服卽消

獨勝散

治癰疽瘡瘍因氣滯血凝而致

香附子去毛生薑汁浸一宿焙乾碾爲細末無時

以白湯服二錢如瘡初作以此代茶進食寬氣

紫金錠

一名解毒玉樞丹

山茨菰

去皮 二兩

五倍子

槌碎焙 二兩

續隨子

取霜 二兩

麝香

錢三

紅芽大戟

焙半 兩

右先將茨菰五倍子大戟三件爲細末次入二件

研勻糯米粥爲劑木臼內杵干下分爲四十粒每

服半粒或一粒薄荷湯磨下若通利宜溫粥補佳

癰疽發背諸般惡瘡腫毒蛇犬虫傷并用東流水

磨擦良从覺痒自消

秘傳圍藥方

